

dapat dipertahankan selagi tidak ada kerjasama di antara agama-agama. Ahli-ahli agama wajib sedar bahawa agama akan hapus jika Komunis mengambil kuasa. Cara mereka menghapuskan agama tidaklah caranya seperti dahulu tetapi dengan kaedah membiarkan orang-orang yang tua-tua yang masih yakin kepada agamanya beragama dengan membentuk kanak-kanak dan pemuda-pemuda sebagai orang yang bakal menjadi pengikut-pengikut Komunis yang menafikan adanya Tuhan.

Bagi kita umat Muslimin sebagaimana yang telah difatwakan oleh ulama kita sayogiyalah kita berusaha dari sekarang menjauhkan anak-anak kita daripada pengertian yang yang semacam itu dan yang demikian ini adalah suatu tanggungjawab yang besar kepada kita bersama. Hubaya-hubaya! Beringatlah kepada bencana dan putar belit Komunis!



Al-Marhum Syed Abu Bakar Alsagoff

Pada bulan yang lalu kita telah kehilangan seorang

ulama dan ahli pendidik yang terkenal iaitu al- Marhum Syed Abu Bakar ibn Taha Alsagoff. Beliau meninggal dunia di bandar Seiyun – Hadramaut.

KETUA UMUM MASYUMI

Tuan Mohammad Natsir, ketua umum Masyumi telah mendapat bintang yang berdarjah tinggi: "Nishān al-Iftikhār al-Akbar" dari Raja Tunis, sebagai tanda penghargaan rakyat Tunis kepada beliau dalam membantu perjuangan rakyat Tunis untuk mencapai kemerdekaan.

Sebuah bintang yang seperti itu juga telah diterima oleh Syed Hamid al-Qadri penasihat perwakilan Indonesia di Perhimpunan Bangsa-Bangsa Bersatu yang telah singgah di Tunis baharu-baharu ini.

Sebagaimana diketahui Tuan Mohammad Natsir dan Syed Hamid adalah menjadi anggota pengurus "Badan Pembantu Perjuangan Rakyat Tunis" yang didokong oleh berbagai-bagai parti di Jakarta.

Dalam masa hayatnya, al- Marhum menjadi mudir "Madrasah Aljunied al-Islamiyyah" Singapura selama kira-kira suku kurun.

Di antara khidmat-khidmat amnya ialah menjadi Ahli Majlis Islam Penasihat Kerajaan, Anggota Majlis Ulama Singapura, salah seorang penaja Kolej Islam Malaya dan salah seorang pengasas Jam'iyyah al-Da'wah al-Islamiyyah Malaya.

Meskipun al- Marhum telah berpulang ke Rahmatullah tetapi usahanya dan ilmunya tetap hidup, hidup dilanjutkan oleh beratus-ratus murid-muridnya yang sedang berkhidmat dengan cergas dalam berbagai-bagai lapangan masyarakat, terutama dalam dunia pendidikan dan penyebaran Islam.

Na 'maduhu Allah bi rahmatihī wa askanuhu fasiha al-janān.